



Bosnia and Herzegovina  
Federation of Bosnia and Herzegovina

**CANTON SARAJEVO**  
**Ministry of Physical Planning Construction and**  
**Environmental Protection**

Broj: 05-04-27823-30/20  
Sarajevo, 18.09.2020.g.

**SKUPŠTINA KANTONA SARAJEVO**  
**- OVDJE -**  
n/r Mirza Čelik, predsjedavajući

**PREDMET:** Odgovor na zastupničku inicijativu

Zastupnica Skupštine Kantona Sarajevo Nejra Dizdarević, je na 27. Radnoj sjednici Skupštine Kantona Sarajevo, održanoj 28.07.2020. godine, u okviru tačke Dnevnog reda "Poslanička/zastupnička pitanja, inicijative i odgovori", a u skladu sa članovima 213. Poslovnika Skupštine Kantona Sarajevo uputila zastupničku inicijativu kako slijedi:

**INICIJATIVA:**

"Molim Ministarstvo prostornog uređenja, građenja u zaštite okoliša i Kantonalnu upravu za inspeksijske poslove da zajedničkim naporima zajedno sa relevantnim stručnim institucijama poput rudarsko-geoloških fakulteta (Tuzla, Zenica) i instituta utvrde koji ugljevi tj. njihovi rudnici nikako ne mogu odgovarati uslovima iz člana 17.Odluke o zaštiti i poboljšanju kvaliteta zraka u Kantonu Sarajevo. ("Službene novine Kantona Sarajevo " br.23/16), te potom obavijeste putem Televizije Sarajevo, putem zvanične stranice i FB profila Ministarstva pravna lica koja vrše prodaju istih, kao i građane da takve ugljeve ne smiju stavljati na tržište i koristiti na području Kantona Sarajevo, a sve gore pomenute aktivnosti treba poduzeti što prije kao pripremu za nadolazeću sezonu aerozagađenja."

**ODGOVOR:**

U funkciji pripreme odgovora na zastupničku inicijativu kontaktiran je Sektor za rudarstvo Federalnog ministarstva energetike i rudarstva, od koga smo dobili informaciju da ne raspolažu sa podacima o hemijskom sastavu ugljeva koji se koriste u BiH, već da samo vode evidenciju o količinama koje se iskopavaju u Federaciji BiH. Također, su nas obavijestili da tražene podatke posjeduju rudnici, ali da se isti razlikuju budući da kvalitet uglja varira od dubine i vrste kopa,



web: <http://mpz.ks.gov.ba>  
e-mail: [mpz@mpz.ks.gov.ba](mailto:mpz@mpz.ks.gov.ba)  
Tel: + 387 (0) 33 562-029.  
Fax: + 387 (0) 33 562-031  
Sarajevo, Reisa Džemaludina Čauševića 1




mjesta eksploatacije i sl. Po njihovoj tvrdnji posljednji podaci o hemijskom sastavu ugljeva koje možemo koristiti, sadržani su u Studiji energetskog sektora u BiH iz 2008.godine.

Pored Federalnog ministarstva konsultovan je i Metalurški institut Kemal Kapetanović iz Zenice, koji su nas upoznali da su pripremili projekat prema Federalnom fondu za zaštitu okoliša s ciljem obezbjeđenja finansijske podrške, kako bi, između ostalog, izvršili hemijsku analizu najčešće korištenih ugljeva, zatim određivanje kalorijske vrijednosti, emisija prašine i SO<sub>2</sub>. Rezultati projekta bi mogli biti zanimljivi i za druge kantone, ali projekat nije razmatran ni odobren.

U kontekstu odgovora na zastupničku inicijativu, naglašavamo da je otpočela priprema Strategije ograničenja korištenja uglja i ostalih čvrstih goriva u Kantonu Sarajevo za period 2021-2031 godina, koja se odvija u saradnji sa UNDP-ijem i uz finansijsku podršku Švedske razvojne agencije. Projektnim zadatkom je predviđeno da se između ostalog izvrši analiza dostupnih goriva u Kantonu Sarajevo, te analiza dostupnih peći na tržištu i terenu, kao i određivanje emisivnih faktora za reprezentativne kombinacije peći i goriva. Tako dobijeni emisivni faktori će biti korišteni za ocjenu stvarnih emisija iz kućnih ložišta, te za sve buduće planove smanjenja i ograničenja korištenja pojedinih vrsta goriva i peći. Navedeni segment rada na Strategiji je primarni, tako da ćemo rezultate imati i prije okončanja projekta koje je predviđeno za decembar 2021.godine.

U svakom slučaju, pored pooštavanja uslova za upotrebu i promet ugljeva na području Kantona Sarajevo kroz izmjene i dopune Odluke o zaštiti i poboljšanju kvaliteta zraka, biće korišteni svi vidovi komunikacije kako bi javnost bila bolje upoznata sa sastavom ugljeva, a što je zahtijevano predmetnom inicijativom.



**MINISTAR**

**Faruk Kapidžić, dipl.ing.arh.**

Dostaviti:

- Predsjedavajućem Skupštine
- Služba za skupštinske poslove
- Sekretar Vlade Kantona
- Arhiva



web: <http://mpz.ks.gov.ba>  
e-mail: [mpz@mpz.ks.gov.ba](mailto:mpz@mpz.ks.gov.ba)  
Tel: + 387 (0) 33 562-029,  
Fax: + 387 (0) 33 562-031  
Sarajevo, Reisa Džemaludina Čauševića 1

